



Бекітемін

«Дарын» РҒПО директоры

Ғ. Тұрсынов

2024 жыл.

**Бастауыш сынып мұғалімдеріне арналған
«Алтын тұғыр» республикалық олимпиадасының
Ережесі**

I. Жалпы Ереже

1.1. Математика пәні бойынша бастауыш сынып мұғалімдеріне арналған «Алтын тұғыр» республикалық олимпиадасын (бұдан әрі - Олимпиада) өткізу Ережесі Олимпиаданы ұйымдастыру, өткізу, қатысу және жеңімпаздарын анықтау тәртібін реттейді.

1.2. Осы Ереже Қазақстан Республикасының «Білім туралы» заңына, Қазақстан Республикасының «Педагог мәртебесі туралы» 2019 жылғы 27 желтоқсандағы № 293-VI Заңына сәйкес жасалған.

II. Олимпиаданың мақсаты мен міндеттері

2.1 Олимпиаданың мақсаты:

- бастауыш сынып мұғалімдерінің кәсіби қызметінде жоғары нәтижелерге жетуге ұмтылысын жетілдіру;
- мұғалімдердің шығармашылық әлеуеті мен педагогикалық шеберлігін дамыту, мұғалім мамандығының мәртебесін арттыру.

2.2 Олимпиаданың негізгі міндеттері:

- мұғалімдердің кәсіби дағдыларын жетілдіру, шығармашылықпен айналысатын мұғалімдерді анықтау, қолдау, ынталандыру;
- жоғары деңгейдегі олимпиадаларға дайындауға бағыт беру;
- бәсекеге қабілеттілігін арттыру;
- республика көлеміндегі бастауыш сынып мұғалімдерінің тәжірибе алмасуына ықпал ету.

III. Олимпиаданы өткізу тәртібі мен қатысу шарттары

3.1. Олимпиада үш кезеңнен тұрады: аудандық, облыстық, республикалық.

3.2. Олимпиаданы дайындау және өткізуді республикалық ұйымдастыру комитеті жүзеге асырады (бұдан әрі - Ұйымдастыру комитеті).

Ұйымдастыру комитеті: «Дарын» республикалық ғылыми-практикалық орталығы, (бұдан әрі – «Дарын» РҒПО) және «Зерделі» ақыл-ой дамыту мектебі» ЖШС (бұдан әрі – Зерделі).

3.3. Олимпиада мемлекеттік және орыс тілдерінде өткізіледі.

3.4. Олимпиаданың әр кезеңінің тапсырмаларын «Зерделі» ақыл-ой дамыту мектебінің ұйымдастыру комитеті дайындайды.

3.5. Олимпиаданың аудандық кезеңі аудан (қала) орталықтарында өткізіледі.

3.6. Зерделі тарапынан Білім басқармаларына, облыстық «Дарын» орталықтарына олимпиаданың аудандық кезеңінің өтуі туралы хат жолданады.

3.7. Аудандық кезеңге әр мектептен 5-8 педагог жіберіледі.

3.8. Олимпиаданың аудандық кезеңі аяқталған соң облыстық кезеңге өткен мұғалімдерді тіркеу үшін олимпиаданың ұйымдастыру комитеті тарапынан хат жіберіледі.

3.9. Олимпиаданың облыстық кезеңі білім басқармаларымен бірлесіп облыс орталықтарында өткізіледі. Оған әр ауданнан анықталған жеңімпаз мұғалімдер қатыстырылады.

3.10. Облыстық кезеңді бірлесіп өткізу үшін әр облысқа арнайы Зерделі мамандары жіберіледі.

3.11. Олимпиаданың республикалық кезеңі «Дарын» РҒПО бірлесіп Астана қаласында өткізіледі.

3.12. Олимпиаданың республикалық кезеңіне республикалық маңызы бар қалалар мен аймақтық кезеңнің жеңімпазы атанған 8 (сегіз) мұғалім қатысады.

3.13. Республикалық кезеңнің жеңімпаздары келесі 3 жыл қатарынан аталған олимпиадаға қатыстырылмайды.

3.14. Республикалық кезеңді өткізу шығындарын «Зерделі» ақыл-ой дамыту мектебі өтейді.

3.15. Олимпиада қатысушыларының шығындары (келіп-кету, тамақтану, тұратын жері т.б.) жергілікті атқарушы органдары немесе қатысушының өз тарапынан қарастырылуы тиіс.

3.16. Олимпиаданың әр кезеңі төмендегідей бөлімдерден тұрады:

I кезең – аудандық кезең.

Бірінші бөлім - «Дұрыс жауапты таңдау». 7 сұрақтан тұратын тест тапсырмасы берілген. Әр сұрақтың 4 жауап нұсқасы бар. Әр тапсырмаға 4 ұпайдан беріледі, барлығы 28 ұпайды құрайды.

Екінші бөлім - «Дұрыс жауапты таңдау». 6 сұрақтан тұратын тест тапсырмасы берілген. Әр сұрақтың 5 жауап нұсқасы бар. Әр тапсырмаға 5 ұпайдан беріледі, барлығы 30 ұпайды құрайды.

Үшінші бөлім - «Бос орынды толтыру». Қалдырылған бос орынға есептің жауабын жазу керек. Бұл бөлімде 7 тапсырма, әр тапсырмаға 6 ұпайдан беріледі. Барлығы 42 ұпайды құрайды.

Орындауға жалпы 60 минут беріледі. Бағалау көрсеткіші 100 ұпай.

II кезең – облыстық кезең.

Бірінші бөлім - «Дұрыс жауапты таңдау». 10 сұрақтан тұратын тест тапсырмасы берілген. Әр сұрақтың 4 жауап нұсқасы бар. Әр тапсырмаға 4 ұпайдан беріледі, барлығы 40 ұпайды құрайды.

Екінші бөлім - «Бос орынды толтыру». Қалдырылған бос орынға есептің жауабын жазу керек. Бұл бөлімде 10 тапсырма, әр тапсырмаға 5 ұпайдан беріледі. Барлығы 50 ұпайды құрайды.

Үшінші бөлім - «Есептеу, дәлелдеу». Мұнда 1 есеп беріледі. Есептің шарты көрсетілген. Тапсырманың шешу барысы, жауабы толық жазылады. Дұрыс жауапқа 10 ұпай беріледі.

Орындауға жалпы 90 минут беріледі. Бағалау көрсеткіші 100 ұпай.

III кезең – республикалық кезең.

Бірінші бөлім - «Дұрыс жауапты таңдау». 10 сұрақтан тұратын тест тапсырмасы берілген. Әр сұрақтың 4 жауап нұсқасы бар. Әр тапсырмаға 4 ұпайдан беріледі, барлығы 40 ұпайды құрайды.

Екінші бөлім - «Бос орынды толтыру». Қалдырылған бос орынға есептің жауабын жазу керек. Бұл бөлімде 10 тапсырма, әр тапсырмаға 4 ұпайдан беріледі. Барлығы 40 ұпайды құрайды.

Үшінші бөлім - «Есептеу, дәлелдеу». Мұнда 2 есеп беріледі. Есептің шарты көрсетілген. Тапсырманың шешу барысы, жауабы толық жазылады. Әр тапсырманың дұрыс жауабына 10 ұпайдан, барлығы 20 ұпай беріледі. Орындауға жалпы **100 минут** беріледі, бағалау көрсеткіші 100 ұпай.

Олимпиада тапсырмалары бастауыш сынып бағдарламаларын негізге ала отырып құрастырылған авторлық есептер, басым бөлігі логикалық есептерден тұрады.

IV. Марапаттау

4.1. Олимпиаданың аудандық кезеңінің жеңімпаздары «Зерделі» ақыл-ой дамыту мектебінің I, II, III дәрежелі дипломдарымен, грамоталарымен марапатталады.

4.2. Олимпиаданың облыстық кезеңінің жеңімпаздары облыстық білім басқармасы мен «Зерделі» ақыл-ой дамыту мектебінің I, II, III дәрежелі дипломдарымен, грамоталарымен марапатталады.

4.3. Облыстық кезеңде **командалық есеп** бойынша аудандар I, II, III дәрежелі дипломдарымен марапатталады.

4.4. Олимпиаданың республикалық кезеңінің жеңімпаздары Қазақстан республикасы Оқу-ағарту министрлігінің «Дарын» РҒПО-ның I, II, III дәрежелі дипломдарымен, грамоталарымен марапатталады.

4.5. Олимпиаданың республикалық кезеңінің барлық қатысушыларына «Дарын» РҒПО-ның сертификаттары беріледі.

4.6. Республикалық кезеңде **командалық есеп** бойынша облыстар бас жүлде, I, II, III дәрежелі дипломдарымен марапатталып, бас жүлде алған өңірдегі білім мекемесіне «Алтын тұғыр» кубогы тапсырылады.

V. Ұйымдастыру комитеті

5.1. Жергілікті жердегі ұйымдастырушылар олимпиадаға өтінімдерді қабылдап, қатысушылардың тізімін жасайды, өткізу мерзімі мен орнын анықтайды. Қазылар алқасының құрамын тағайындайды.

5.2. Олимпиада материалдарын дайындау «Зерделі» ақыл-ой дамыту мектебіне жүктеледі.

VI. Олимпиаданың қазылар алқасы

Қазылар алқасы:

6.1. Олимпиаданың әр кезеңдерінің тапсырмалары мәтінінің соңғы нұсқасын әзірлейді және бағалау критерийлерін құрастырады;

6.2. Қазақ тіліндегі тапсырмалардың орыс тіліне дәлме-дәл аудармасына, берілген тапсырмалардың ғылыми-әдістемелік деңгейіне, міндеттердің нақтылығына және олардың олимпиаданың тиісті кезеңі талабына сәйкестігіне жауап береді;

6.3. Тиісті кезеңдері өткенге дейін тапсырмалардың құпиялығына жауап береді;

6.4. Қазылар алқасының төрағасы тапсырмалардың орындалуын бағалау өлшемдері бойынша ұсыныстарды қабылдап, тапсырмалардың орындалуын бағалау өлшемдерін бекітеді және олимпиаданың регламентін әзірлеу жөніндегі қазылар алқасының жұмысын ұйымдастырады;

6.5. Жұмыстарды тексереді және бағалайды, қатысушыларды әр кезеңнің тапсырмаларының авторлық шешімімен және жұмыстарды тексеру нәтижесімен таныстырады;

6.6. Қатысушылардың жұмысын бағалаудағы келіспеушілікті талқылайды және қажет болған жағдайда тиісті түзетулер енгізеді;

6.7. Жеңімпаздарды анықтайды және олардың тізімін ұйымдастыру комитетіне ұсынады;

6.8. Олимпиадаға қатысушылармен тапсырмаларды талқылайды және үйлестіруді жүргізеді;

6.9. Апелляцияға берілген өтінімдерді қарастырып, соңғы шешім шығарады;

6.10. Қазылар алқасының құрамына республикалық, халықаралық олимпиада жеңімпаздарының жетекшілері, «Зерделі» ақыл-ой дамыту мектебінің тәжірибелі математика пәні мұғалімдері және Назарбаев Университетінің ғылыми жетекшілері, сонымен қатар «Алтын тұғыр» олимпиадасы республикалық кезеңінің соңғы үш жылғы жеңімпаздары кіру мүмкіндігі бар.